

四庫全書

經部

欽定四庫全書

周禮述註卷十三

安溪李光坡撰

○肆師之職掌立國祀之禮以佐大宗伯立大祀用玉帛牲牷立次祀用牲幣立小祀用牲

註曰鄭司農云大祀天地次祀日月星辰小祀司命以下玄謂大祀又有宗廟次祀又有社稷五祀五嶽小祀又有司中風師雨師山川百物疏曰宗廟次

祀即先公是也小祀馬君云殤與無後也立大祀用玉帛牲拑者天神中非直有升裡玉帛牲亦有禮神者也地示中非直瘞埋中有玉帛牲亦兼有禮神玉帛牲也宗廟中無裡瘞埋直有禮神幣帛與牲又不見有禮神之玉或可以灌圭當之

○以歲時序其祭祀及其祈珥

註曰序第次其先後大小 疏曰歲時序其祭祀者即上立大祀至小祀皆依歲之四時次序之 易彥

祥曰小子職珥于社稷祈于五祀羊人職祈珥共羊
牲與此文同至秋官士師職則曰凡刳珥奉犬牲後
鄭皆改祈為刳且以珥之字當從血為珥引雜記釁
廟之說然羊人小子有言釁積釁邦器軍器之事皆
直謂之釁不應官兆始成之釁而獨謂之祈珥况祈
珥見於經者三不應以三出之祈盡改為刳劉中義
云珥珥字之誤也祈謂小祝之祈福祥珥謂小祝之
珥兵災今從之

○大祭祀展犧牲繫于牢頒于職人

註曰展省閱也職讀為櫛櫛可以繫牲者此職人謂
克人及監門人 疏曰肆師以將有天地宗廟大祭
祀牧人以牲與克人之時肆師省閱其牲看完否及
色堪為祭牲乃繫于牢頒付于職人也 牲音全珥
音二職之弋反註櫛同瘞壹計反刳居依反蚬而志
反監古咸反

凡祭祀之卜日宿為期詔相其禮眡滌濯亦如之

註曰宿先卜祭之夕 疏曰詔相其禮者謂肆師詔告相助其卜之威儀及齊戒之禮眡滌濯祭前之夕也 李嘉會曰內而六宫外而有司其滌濯撝拭之類大小次第之節不可紊也故亦詔相

○祭之日表齋盛告絜展器陳告備及果築鬻相治小禮誅其慢怠者

註曰粢六穀也在器曰盛陳陳列也果築鬻者所築鬻以裸也表蔽識也鄭司農云築煮築香草煮以為

鬯 疏曰展器陳告備者謂祭日於堂東陳祭器實之又省視之而告備具也宗廟有果鬱人掌鬱此又掌之者彼官正職此肆師察其不如儀者也

掌兆中廟中之禁令

註曰兆壇域 劉原父曰兆中廟中執事者衆欲其行事致肅故有禁令

○凡祭祀禮成則告事畢

果古亂反下同鬻音煮相息亮反下同識式志反

大賓客涖筵几築鬻

註曰此王所以禮賓客

疏曰筵几云涖謂司几筵

設之肆師臨之也

○贊果將

註曰酌鬱鬯授大宗伯載裸 鄭剛中曰小宗伯言

祭祀賓客以時將瓚裸肆師言贊果明贊小宗伯矣

大朝覲佐儼

疏曰此言大朝覲為承儼謂大會同朝覲時若四時

常朝則小行人為承儐小行人所云者是也

○共設匪壘之禮

註曰設於賓客之館公食大夫禮曰若不親食使大夫以侑幣致之豆實實于壘簋實實于筐匪其筐字之誤與禮不親饗則以酬幣致之或者匪以致饗疏曰肆師不掌飲食而共設者肆師主禮事謂依禮使掌客之等及諸官共設之也

○饗食授祭

註曰授賓祭肺

疏曰饗大牢以飲賓獻依命數食

者亦亨大牢以食賓舉依命數祭謂祭先造食者

與祝侯禳于蠁及郊

註曰侯禳小祝職也蠁五百里遠郊百里近郊五十

里疏曰侯者侯迎善祥禳者禳去殃氣

大喪大泚以鬯則築鬻

註曰築香草煮以為鬯以浴尸香草鬱也

○令外内命婦序哭

疏曰哭灋以服之輕重為先後若然則內命婦為王
斬衰居前諸臣之妻從服齊衰者居後也

○禁外內命男女之衰不中灋者且授之杖

註曰外命男六鄉以出也內命男朝廷卿大夫士也
其妻為外命女喪服為夫之君齊衰不杖內命女王
之三夫人以下不中灋違升數與裁制者鄭司農云
三日授子杖五日授大夫杖七日授士杖此舊說也
喪大記曰君之喪三日子夫人杖五日既殯授大夫

世婦杖無七日授士杖文玄謂授杖日數王喪依諸侯與七日授士杖四制云 衰七雷反中丁仲反

凡師甸用牲于社宗則為位

註曰社軍社也宗遷主也尚書傳曰王升舟八水鼓鍾亞觀臺亞將舟亞宗廟亞 疏曰用牲社宗者二者在外或有祈請也 坡謂甸字疑衍

○類造上帝封于大神祭兵于山川亦如之

註曰造猶即也為兆以類禮即祭上帝也類禮依郊

祀而為之者封謂壇也大神社及方嶽也山川蓋軍之所依止大傳曰牧之野武王之大事也既事而退柴於上帝祈於社設奠於牧室疏曰上經用牲於社宗據在軍下云師不功據敗退後即此經據尅勝後事告天及社之事

○凡師不功則助牽主車

註曰助助大司馬也故書功為工鄭司農工讀為功古者工與功同字謂師無功肆師助牽之恐為敵所

得疏曰主中有二為社之石主遷廟木主也 甸

音田下同

凡四時之大甸獵祭表貉則為位

註曰貉師祭也貉讀為十百之百於所立表之處為
師祭造軍灋者禱氣勢之增倍也其神蓋蚩虬或曰
黃帝 貉音陌虬音尤

嘗之日涖卜來歲之芟

註曰芟芟草除田也古之始耕者除田種穀嘗者嘗

新穀此芟之功也卜者問來歲宜芟不詩云載芟載柞其耕澤澤疏曰餘事卜則大宗伯涖卜或大卜涖卜此及下三事皆肆師涖卜也

○獮之日涖卜來歲之戒

註曰秋田為獮始習兵戒不虞也卜者問後歲兵寇之備

○社之日涖卜來歲之稼

註曰社祭土為取財焉卜者問後歲稼所宜疏曰

類上文嘗獮是秋則此社亦是秋祭社之日也
獮
思淺反柞側百反

若國有大故則令國人祭

註曰大故謂水旱凶荒所令祭者社及禘醑

○歲時之祭祀亦如之

註曰月令仲春命民社此其一隅

凡卿大夫之喪相其禮

註曰相其適子

凡國之大事治其禮儀以佐宗伯

註曰治謂如今每事者更奏白王禮也故書儀為義
鄭司農云義讀為儀古者書儀但為義今時所謂義
為誼

○凡國之小事治其禮儀而掌其事如宗伯之禮
疏曰此一經於職末總結之也

○鬱人掌裸器

註曰裸器謂彝及舟與瓚

凡祭祀賓客之裸事和鬱鬯以實彝而陳之

註曰築鬱金煮之以和鬯酒鄭司農云鬱草名十葉
為貫百二十貫為築以煮之鑊中停於祭前鬱為草
若蘭 疏曰天地大神至尊不裸至於山川及門社
等事在鬯人亦無裸事此云祭祀惟據宗廟耳

○凡裸玉濯之陳之以贊裸事

註曰裸玉謂圭璜璋瓚

○詔裸將之儀與其節

註曰節謂王奉王送裸早晏之時

○凡裸事沃盥

疏曰言凡非一若賓客則大宗伯裸若祭祀王及后裸者鬱人沃以水盥手及洗瓚也 鑣子遙反

大喪之溲共其肆器

註曰肆器陳尸之器喪大記曰君設大盤造冰焉大夫設夷盤造冰焉士併瓦盤無冰設牀檀第有枕此之謂肆器天子亦用夷盤

○及葬共其裸器遂殯之

註曰遣奠之彝與瓚也殯之於祖廟階間明奠終於此 檀章善反第側几反殯埋同亡皆反

大祭祀與量人授舉斚之卒爵而飲之

註曰斚受福之嘏聲之誤也王醕尸尸嘏王此其卒爵也小牢饋食禮主人受嘏詩懷之卒爵執爵以興出宰夫以籩受嗇黍主人嘗之乃還獻祝此鬱人受王之卒爵亦王出房時也必與量人者鬱人贊裸尸

量人制從獻之脯醢事相成 疏曰與大夫士獻祝
及佐食同節 畢古雅反醢音煩

○鬯人掌共秬鬯而飾之

註曰秬鬯不和鬱者飾之謂設巾

凡祭祀社壝用大壘

註曰壝謂委土為墀壇所以祭也大壘瓦壘

○崇門用瓢齋

註曰崇謂營鄩所祭門國門也春秋傳曰日月星辰

之神則雪霜風雨之不時於是乎禋之山川之神則
水旱癘疫之不時於是乎禋之魯莊二十五年秋大
水鼓用牲于社于門瓢謂瓢螽也齋讀為齊取甘瓠
割去祗以齊為尊

○廟用脩凡山川四方用蜃凡裸事用概凡鬻事用散
註曰裸當為埋字之誤也蜃水中蜃也脩蜃概散皆
漆尊也蜃畫為蜃形蚌曰合漿尊之象概尊以朱帶
者無飾曰散坡謂鬯人一官所共者皆祭地亦之

事自社稷至百物備之矣獨五祀五嶽之尊無聞焉
蓋祿事即五祀也本經故書記作禋與祿似而訛耳
廟疑作嶽蓋嶽與岳同儀禮廟作廟又今北方有讀
嶽音如益者三樂之樂則廟或方音或字磨之傳失
也脩亦尊名勿讀卣矣祭四方百物以鬴辜今既有
四方又曰鬴事者此鬴事蓋專指百物也以用器有
異故復別言之 齋在今反抵音帝卣音酉
大喪之大泐設斗共其釁鬯

註曰斗所以沃尸也釁尸以鬯酒使之香美者鄭司
農云釁讀為徹

凡王之齊事共其秬鬯

註曰給淬浴 疏曰鬯非如三酒可飲之物大喪以
浴尸明此亦共以給王浴而已 齊音齋淬七內反
凡王弔臨共介鬯

註曰以尊適卑曰臨春秋傳曰照臨敝邑曲禮曰摯
天子鬯王至尊介為執致之以禮於鬼神與檀弓曰

曰臨諸侯畛於鬼神曰有天王某父此王適四方舍諸侯祖廟祝告其神之辭介於是進鬯 父音甫

○雞人掌共雞牲辨其物

註曰物謂毛色也辨之者陽祀用騂陰祀用黝

大祭祀夜嘯旦以詔百官

註曰夜夜漏未盡雞鳴時也呼旦以警起百官使夙興

○凡國之大賓客會同軍旅喪祀亦如之凡國事為期

則告之時

註曰象難知時也告其有司主事者少牢曰宗人朝服
北面曰請祭期主人曰比於子宗人曰旦明行事告時者
至此旦明而告之 坡謂凡國事通上文祭祀賓客五
者皆是引少牢者其一隅 噉音呼詔古弔反比毗志反
凡祭祀面禳釁共其難牲

註曰釁釁廟之屬釁廟以羊門夾室皆用雞鄭司農
云面禳四面禳也釁讀為徽 疏曰祭祀謂宗廟之

屬面襍謂祈禱之屬

○司尊彝掌六尊六彝之位詔其酌辨其用與其實

註曰位所陳之處酌涕之使可酌各異也用四時祭祀所用亦不同實鬱及醴齊之屬 涕子里反齊才

計反

春祠夏禴裸用雞彝鳥彝皆有舟其朝踐用兩獻尊其再獻用兩象尊皆有壘諸臣之所昨也秋嘗冬烝裸用斚彝黃彝皆有舟其朝獻用兩著尊其饋獻用兩壺尊

皆有壘諸臣之所昨也凡四時之間祀追享朝享裸用虎彝雉彝皆有舟其朝踐用兩大尊其再獻用兩山尊皆有壘諸臣之所昨也

註曰裸謂以圭瓚酌鬱鬯始獻尸也后於是以璋瓚酌亞裸郊特牲曰周人尚臭灌用鬯臭鬱合鬯臭陰達於淵泉灌以圭璋用玉氣也既灌然後迎牲致陰氣也朝踐謂薦血腥酌醴始行祭事后於是薦朝事之豆籩既又酌獻其變朝踐為朝獻者尊相因也朝獻

謂尸卒食王醕之再獻者王醕尸之後后酌亞獻諸臣為賓又次后酌盞齊備卒食三獻也於后亞獻內宗薦加豆籩其變再獻為饋獻者亦尊相因饋獻謂薦熟時后於是薦饋食之豆籩此凡九酌王及后各四諸臣一祭之正也以今祭禮特牲少牢言之二裸為奠而尸飲七矣王可以獻諸臣祭統曰尸飲五君洗玉爵獻卿是其差也明堂位曰灌用玉瓚大圭爵用玉琖加用璧角璧散又鬱人職曰受舉斚之卒爵

而飲之則王醕尸以玉爵也王醕尸用玉爵而再獻者用璧角璧散可知也雞彝鳥彝謂刻而畫之為雞鳳凰之形皆有舟皆有壘言春夏秋冬及追享朝享有之同昨讀為酢字之誤也諸臣獻者酌壘以自酢不敢與王之神靈共尊鄭司農云舟尊下臺若今時承槃獻讀為犧犧尊飾以翡翠象尊以象骨飾尊明堂位曰犧象周尊也尊以裸神壘臣之所飲也犛讀為稼稼彝畫禾稼也黃彝黃目尊也明堂位曰夏后

氏以雞彝殷以斚周以黃目爾雅曰彝卣壘器也著尊著地無足明堂位曰著殷尊也壺者以壺為尊春秋傳曰尊以魯壺追享謂禘祫也在四時之間故曰間祀大尊大古之瓦尊山尊山壘也明堂位曰泰有虞氏之尊也山壘夏后氏之尊玄謂黃目以黃金為目郊特牲曰黃目鬱氣之上尊也黃者中也目者氣之清明者也言酌於中而清明於外朝享謂朝受政於廟春秋傳曰閏月不告朔猶朝於廟雖禺屬仰鼻

而長尾山壘亦刻而畫之為山雲之形 兩獻註作
犧同素何反昨音酢下同著直畧反朝享直遙反雖
音誅兩大音泰註同琰莊產反禺音遇

凡六彝六尊之酌

疏曰六彝與鬱齊為目六尊與醴齊盎齊為目下有
凡酒而上不言壘者文不具也凡言酌者皆是沛之
使可酌

○鬱齊獻酌醴齊縮酌盎齊沬酌凡酒脩酌

註曰禮運曰玄酒在室醴醖在戶粢醖在堂澄酒在下以五齊次之則醖酒盎齊也郊特牲曰縮酌用茅明酌也醖酒浼於清汁獻浼于醖酒猶明清與醖酒于舊澤之酒也此言轉相浼成也獻讀為摩莎之莎齊語聲之誤也煮鬱和秬鬯以醖酒摩莎浼之出其香汁也醴齊尤濁和以明酌浼之以茅縮去滓也盎齊差清和以清酒浼之而已其餘三齊泛從醴醖沉從盎凡酒謂三酒也脩讀如滌濯之滌滌酌以水和

而涕之令齊人命浩酒曰滌明酌酌取事酒之上也
澤讀曰醴明酌清酒醴酒涕之皆以舊醴之酒凡此
四者祿用鬱齊朝用醴齊饋用盎齊諸臣自酢用凡
酒唯大事于大廟備五齊三酒 鬱齊醴齊盎齊俱
才計反獻酌素何反浼舒銳反脩讀如滌醴莊產反
醴音體醴音亦

大喪存奠彝

註曰存省也謂大遣時奠者朝設夕乃徹也

○大旅亦如之

註曰旅者國有大故之祭也亦存其奠彝則陳之不
即徹 疏曰案小宰註天地至尊不裸此得用彝者
此告請非常亦如大遣奠之而已亦非裸耳

○司几筵掌五几五席之名物辨其用與其位

註曰五几左右玉彫彤漆素五席莞藻次蒲熊用位
所設之席及其處

凡大朝覲大饗射凡封國命諸侯王位設黼依依前南

鄉設莞筵紛純加繅席畫純加次席黼純左右玉几

註曰斧謂之黼其繡白黑采以絳帛為質依其制如
屏風然於依前為王設席左右有几優至尊也鄭司
農云紛讀為幽又讀為和粉之粉謂白繡也純讀為
均服之均純緣也繅讀為藻率之藻次席虎皮為席
玄謂紛如綬有文而狹者繅席削蒲翦展之編以五
采若今合歡矣畫謂雲氣也次席桃枝席有次列成
文

○祀先王昨席亦如之

註曰昨讀曰酢謂祭祀及王受酢之席尸卒食王醕之卒爵祝受之又酌授尸尸酢王於是席王於戶內后諸臣致爵乃設席鄉許亮反純章允反下同纁讀藻昨讀酢率音律弱音弱

諸侯祭祀席蒲筵纁純加莞席紛純右彫几

註曰纁畫文也不莞席加纁者纁柔濡不如莞清堅又於鬼神宜

○昨席莞筵紛純加繅席畫純筵國賓于牖前亦如之
左彤几

註曰昨讀亦曰酢國賓諸侯來朝孤卿大夫來聘後
言几者使不蒙如也朝者彫几聘者彤几坡謂國
賓之席如尸酢主君昨席而別言左彤几則昨席無
几可知也諸侯祭祀席有右彫几則王祀先王有几
可知也然則王之祀先王及昨席經雖統承上文三
席左右玉几曰亦如之而祀先王之有左右玉几昨

席無左右玉几者可以類得矣鄭言朝者彫几然生人几在左鬼神几在右則朝雖如祭祀之彫几亦如彫几之左也 續胡內反嚅如兗反

甸役則設熊席右漆几

註曰謂王甸有司祭表貉所設席 甸音田

凡喪事設葦席右素几其柏席用萑黼純諸侯則紛純每敦一几

註曰喪事謂凡奠也萑如葦而細者鄭司農云柏席

迫地之席葦居其上或曰柏席載黍稷之席玄謂柏
椁字磨滅之餘椁席藏中神坐之席也敦讀曰燾燾
覆也棺在殯則椁燾既窆則加見皆謂覆之周禮雖
合葬及同時在殯皆異几體實不同祭於廟同几精
氣合 萑音丸敦讀燾音導

凡吉事變几凶事仍几

註曰鄭司農云變几變更其質謂有飾也仍因也因
其質謂無飾也爾雅曰儻仍因也玄謂吉事王祭宗

廟裸於室饋食於堂繹於祊每事易几神事文示新之也凶事謂凡奠几朝夕相因喪禮畧疏曰凡几之長短阮湛云几長五尺高二尺廣二尺馬融以為長三尺舊圖以為几兩端赤中央黑也儻如羊反祊補耕反

○天府掌祖廟之守藏與其禁令

註曰祖廟始祖后稷之廟其寶物世傳守之若魯寶玉大弓者徐氏曰禁令謂防守及陳藏之灋藏

才浪反

凡國之玉鎮大寶器藏焉若有大祭大喪則出而陳之
既事藏之

註曰禘祫及大喪陳之以華國也鄭司農云書顧命
曰王崩陳寶此其行事見於經鄭剛中曰玉鎮如
洪璧琬琰夏后氏之璜之類大寶器如宗鼎貫鼎大
貝鼗鼓和弓垂矢之類

○凡官府鄉州及都鄙之治中受而藏之以詔王察羣

吏之治

註曰察察其當黜陟者鄭司農云治中謂其治職簿書之要 疏曰經雖言治中兼有不中在其間中者陟之不中黜之經直言中偏舉一邊而言也 鼓扶云反

上春釁寶鎮及寶器

註曰上春孟春也釁謂殺牲以血血之

○凡吉凶之事祖廟之中沃盥執燭

註曰吉事四時祭也凶事王后喪朝于祖廟之奠
疏曰小祝大祭祀沃尸盥小臣大祭祀沃王盥此二
官所沃盥在祖廟中則天府為之執燭若士師祀五
帝沃尸盥非祖廟事則不與執燭也

○季冬陳玉以貞來歲之嫩惡

註曰問事之正曰貞問歲之美惡謂問於龜大卜職
大貞之屬陳玉陳禮神之玉凡卜筮實問于鬼神龜
筮能出其卦兆之占耳龜有天地四方則玉有六器

者與言陳者既事歲之不必狸之也鄭司農云貞問也國語曰貞於陽卜

若遷寶則奉之

疏曰遷寶謂王者遷都則寶亦遷天府奉送之於彼新廟之天府藏之如故也

若祭天之司民司祿而獻民數穀數則受而藏之

註曰司民軒轅角也司祿文昌第六星或曰下能也祿之言穀也年穀登乃後制祿祭此二星者以孟冬

既祭之而上民穀之數於天府 坡謂秋官有司民
之職掌民數及大比以詔司寇司寇及孟冬祀司民
之日獻其數於王登于天府然則地官有司祿之職
獻穀數者必司徒也司祿文闕凡此一職上下文理
相足寶鎮寶器既藏之及上春釁之喪祭陳玉而兼
陳於貞媿惡受藏治中而復藏民數穀數蓋互言以
盡此官之職王氏曰賢能之書登于天府見於鄉大
夫而此不見者互文也

○典瑞掌玉瑞玉器之藏辨其名物與其用事設其服飾

註曰人執以見曰瑞禮神曰器瑞符信也服飾服玉之飾謂纁藉坡謂天府所藏玉乃先王之遺物謂宗器也典瑞之玉乃今王所用以有事者疏謂美者入天府平者在典瑞未詳

王晉大圭執鎮圭纁藉五采五就以朝日

註曰纁有五采文所以薦玉木為中幹用韋衣而畫

之就成也王朝日者示有所尊訓民示君也天子常
春分朝日秋分夕月覲禮曰拜日於東門之外鄭司
農云晉謂插於紳帶之間若帶劍也玉人職曰大圭
長三尺杼上終葵首天子服之鎮圭尺有二寸天子
守之繅讀為藻率之藻五就五帛也一帛為一就

○公執桓圭侯執信圭伯執躬圭繅皆三采三就子執
穀璧男執蒲璧繅皆二采再就以朝覲宗遇會同於王
註曰三采朱白蒼二采朱綠也鄭司農云以圭璧見

于王覲禮曰侯氏入門右坐奠圭再拜稽首侯氏見
于天子春曰朝夏曰宗秋曰覲冬曰遇時見曰會殷
見曰同

○諸侯相見亦如之

註曰鄭司農云亦執圭璧以相見故邾隱公朝於魯
春秋傳曰邾子執玉高其容仰 帀匝本字

瑑圭璋璧琮纁皆二采一就以覲聘

註曰璋以聘后夫人以琮享之也大夫衆來曰頻寡

來曰聘鄭司農云璫有圻鄂璫起 疏曰此遣臣行
聘問之所執者若本君親自朝所執上文桓圭之等
是若遣臣聘不得執君之圭璧無桓信躬與蒲穀之
文直璫之而已此謂公侯伯之臣也若子男之臣豈
得過本君用以圭璋乎明子男之臣亦用璫璧琮也
四圭有邸以祀天旅上帝

註曰鄭司農云於中央為璧圭著其四面一玉俱成
爾雅曰邸本也圭本著於璧故四圭有邸圭末四出

故也或說四圭有邸有四角也邸讀為抵欺之抵
王光遠曰祀天謂圜丘之祀大神也

○兩圭有邸以祀地旅四望

註曰兩圭者以象地數二也儼而同邸 王光遠曰

祀地謂方澤之祭大亦也 坡謂大宗伯六器與六

瑞六摯相次則蒼璧黃琮疑或初致其神奠玉而禮

之如執贄以見者故曰禮天禮地此四圭有邸兩圭

有邸與裸圭有瓚為類是邸當亦瓚屬瓚注鬱鬯者

然表記曰秬鬯以祀上帝則此邸疑或注秬鬯者雖
不以裸而奠以享神故曰祀天祀地推之下文圭璧
者是於圭頭為器如璧璋邸射者是於璋頭為器如
邸而射皆挹鬯爵也以類次之或近鄭子見大宗伯
有蒼璧黃琮之文此官無之而別云四圭有邸兩圭
有邸遂以蒼璧所禮者冬至圜丘之祀四圭則夏正
郊天黃璫所禮者崑崙之祭兩圭則神州之神或者
嫌出於緯書不從又見明有四器因合而一之曰蒼

璧為邸四圭託焉黃琮為邸兩圭託焉更無他據今且闕之

○裸圭有瓚以肆先王以裸賓客

註曰鄭司農云於圭頭為器可以挹鬯裸祭謂之瓚故詩曰邸彼玉瓚黃流在中國語謂之鬯圭以肆先王裸先王祭也玄謂肆解牲體以祭因以為名爵行曰裸漢禮瓚槃大五升口徑八寸下有槃口徑一尺○圭璧以祀日月星辰

註曰圭其邛為璧取殺於上帝

○璋邛射以祀山川以造贈賓客

註曰璋有邛而射取殺於四望鄭司農云射剡也

疏曰造贈賓客者謂致稍餼之時造館贈之言贈則

使還之時所贈賄之等亦執以致命耳 肆他歷反

射食亦反著直畧反僛昌絹反邛音瑟殺色界反

土圭以致四時日月封國則以土地

註曰以致四時日月者冬夏以致日春秋以致月土

地猶度地也

○珍圭以徵守以卹凶荒

註曰杜子春云珍當為鎮書亦或為鎮以徵守者以徵召守國諸侯若今時徵郡守以竹使符也鎮者國之鎮諸侯亦一國之鎮故以鎮圭徵之也凶荒則民有遠志不安其土故以鎮圭鎮安之玄謂王使人徵諸侯憂凶荒之國則授之執以往致命王焉卹者閭府庫振救之凡瑞節歸又執以反命坡謂掌節之

節守國行道之用也典瑞之瑞作事之信也司者異
官器亦各掌謂瑞即節疑於漏矣詳見掌節王氏

○牙璋以起軍旅以治兵守

註曰鄭司農云牙璋琖以為牙牙齒兵象故以牙璋
發兵若今時以銅虎符發兵玄謂兵守用兵以守若
齊人戍遂諸侯戍周

○璧羨以起度

註曰鄭司農云羨長也此璧徑長尺以起度量王人

職曰璧羨度尺以為度玄謂羨不圓之貌蓋廣徑八寸袤一尺李予華曰此璧本徑九寸今言羨則旁減一寸以益上下故高一尺橫徑八寸十寸尺也八寸亦尺也一縱一橫皆可以為尺度

○駟圭璋璧琮琥璜之渠眉疏璧琮以歛尸

註曰以歛尸者於大歛焉加之也駟讀為組與組馬同聲之誤也渠眉玉飾之溝璪也以組穿聯六玉溝璪之中以歛尸圭在左璋在首琥在右璜在足璧在

背琮在腹蓋取象方明神之也疏壁琮者通於天地

疏曰此六玉兩頭皆有孔又於兩孔之間為溝渠於溝之兩畔稍高為眉瑑

○穀圭以和難以聘女

註曰穀善也其飾若粟文然難仇讐和之者若春秋宣公及齊侯平莒及郟晉侯使瑕嘉平戎于王其聘女則以納徵焉

○琬圭以治德以結好

註曰諸侯有德王命賜之及諸侯使大夫來聘既而為壇會之使大夫執以命事焉大行人職曰時聘以結諸侯之好鄭司農云琬圭無鋒芒故治德以結好○琬圭以易行以除慝

註曰鄭司農云琬圭有鋒芒傷害征伐誅討之象故以易行除慝易惡行令為善者以此圭責讓諭告之也玄謂除慝亦於諸侯使大夫來聘既而使大夫執而命事於壇大行人職曰殷頻以除邦國之慝 駟

音祖難乃旦反行下孟反度待洛反闐音開戍傷遇
反褻音茂郊音談

大祭祀大旅凡賓客之事共其玉器而奉之

註曰玉器謂四圭裸圭之屬

大喪共飯玉含玉贈玉

註曰飯玉碎玉以雜米也含玉柱左右顛及在口中
者雜記曰含者執璧將命則是璧形而小耳贈玉蓋
璧也贈有束帛六幣璧以帛 顛儀禮作顛音顛牙

也此作顛疑或通用

凡玉罷出則共奉之

鄭剛中曰上言共奉主於祭祀賓客嫌其他事之時或不共奉故言此以結之見其無往而不共奉

○典命掌諸侯之五儀諸臣之五等之命

註曰五儀公侯伯子男之儀五等謂孤以下四命

三命再命一命不命也或言儀或言命互文也

上公九命為伯其國家宮室車旗衣服禮儀皆以九為

節侯伯七命其國家宮室車旗衣服禮儀皆以七為節
子男五命其國家宮室車旗衣服禮儀皆以五為節

註曰上公謂王之三公有德者加命為二伯二王之
後亦為上公國家國之所居謂城方也公之城蓋方
九里宮方九百步侯伯之城蓋方七里宮方七百步
子男之城蓋方五里宮五百步大行人職則有諸侯
圭藉冕服建常樊纓貳車介冑禮朝位之數焉

王之三公八命其卿六命其大夫四命及其出封皆加

一等其國家宮室車旗衣服禮儀亦如之

註曰四命中下大夫也出封出畿內封於八州之中
加一等褒有德也大夫為子男卿為侯伯其在朝廷
則亦如命數耳王之上士三命中士再命下士一命
凡諸侯之適子誓於天子攝其君則下其君之禮一等
未誓則以皮帛繼子男

註曰誓猶命也言誓者明天子既命以為之嗣樹子
不易也春秋桓九年曹伯使其世子射姑來朝行國

君之禮是也公之子如諸侯而執圭侯伯之子如子男而執璧子男之子與未誓者皆次小國之君執皮帛而朝會焉其賓之皆以上卿之禮焉疏曰若行朝禮擯介依諸侯其饗餼饗一與卿同也此經誓與未誓皆據父在而言若父卒後得誓者皆得與諸侯序以無父得與正君同故也若未誓則亦當執皮帛也適丁歷反射音亦朝直遙反

公之孤四命以皮帛貶小國之君其卿三命其大夫再

命其士一命其宮室車旗衣服禮儀各祗其命之數侯伯之卿大夫士亦如之子男之卿再命其大夫一命其士不命其宮室車旗衣服禮儀各祗其命之數

註曰祗小國之君者列於卿大夫之位而禮如子男也鄭司農云九命上公得置孤卿一人春秋傳曰列國之卿當小國之君固周制也玄謂王制曰大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士

二十七人小國二卿皆命於其君下大夫五人上士二十七人

○司服掌王之吉凶衣服辨其名物與其用事

註曰用事祭祀視朝甸凶弔之事衣服各有所用

王之吉服祀昊天上帝則服大裘而冕祀五帝亦如之
享先王則衮冕享先公饗射則鷩冕祀四望山川則毳
冕祭社稷五祀則希冕祭羣小祀則玄冕

註曰六服同冕者首飾尊也先公謂后稷之後大王

之前不窳至諸盥饗射饗食賓客與諸侯射也羣小
祀林澤墳衍四方百物之屬鄭司農云大裘羔裘也
袞卷龍衣也鷩裋衣也毳罽衣也玄謂書曰予欲觀古
古人之象日月星辰山龍華蟲作績宗彝藻火粉米
黼黻希繡此古天子冕服十二章舜欲觀焉華蟲五
色之蟲績人職曰鳥獸蛇雜四時五色以章之謂是
也希讀為絺或作黻字之誤也王者相變至周而以
日月星辰畫於旌旗所謂三辰旂旗昭其明也而冕

服九章登龍於山登火於宗彝尊其神明也九章初
一曰龍次二曰山次三曰華蟲次四曰火次五曰宗
彝皆畫以為績次六曰藻次七曰粉米次八曰黼次
九曰黻皆希以為繡則袞之衣五章裳四章凡九也
鷩畫以雉謂華蟲也其衣三章裳四章凡七也毳畫
虎雖其衣三章裳二章凡五也希刺粉米無畫也其
衣一章裳二章凡三也玄者衣無文裳刺黻而已是
以謂玄焉凡冕服皆玄衣纁裳黃文叔曰宗伯序

社稷五祀先於五嶽司服序四望山川先於社稷祭之秩當如宗伯司服自以服為序地祭以社稷見不別出則方丘不服大裘矣諸儒紛紛蓋未嘗攷先王制祀之義 劉執中曰書稱舜曰予欲觀古人之象舜而欲觀乎古則天子衣裳之章十有二其來遠矣且交龍為旂周之衣不去其龍熊虎為旗周之裳不去其虎雖何獨日月為常而去衣章日月星辰乎典命上公九命以九為節則其衣裳九章推而上之天

子衮冕十有二章明矣 驚必滅反盭直留反蜀居
例反黻張里反雖音誅

凡兵事韋弁服

註曰韋弁以韠韋為弁又以為衣裳春秋傳曰晉卻
至衣韠韋之跗注是也 鄭剛中曰韋弁服者爵弁
也

○眡朝則皮弁服

註曰眡朝眡内外朝之事皮弁之服十五升白布衣

積素以為裳王受諸侯朝覲於廟則袞冕

○凡甸冠弁服

註曰甸田獵也冠弁委貌其服緇布衣亦積素以為裳諸侯以為祗朝之服詩國風曰緇衣之宜兮謂王服此以田王卒食而居則玄端疏曰言凡甸冠弁服者據習兵之時若正四時則當戎服習兵月令之習五戎是也

○凡凶事服弁服

註曰服弁喪冠也其服斬衰齊衰

○凡弔事弁經服

註曰弁經者如爵弁而素加環經論語曰羔裘玄冠不以弔經大如總之經其服錫衰總衰疑衰

凡喪為天王斬衰為王后齊衰

註曰王后小君也諸侯為之不杖期

王為三公六卿錫衰為諸侯總衰為大夫士疑衰其

首服皆弁經

註曰君為臣服弔服也鄭司農云錫麻之滑易者十五升去其半有事其布無事其縷總亦十五升去其半有事其縷無事其布疑衰十四升衰玄謂無事其縷衰在內無事其布衰在外疑之言擬也擬於吉

疏曰君為臣無服直弔服既葬除之不見三孤者與六卿同又不辨同姓異姓亦以臣故也凡弔皆不見婦人弔服者以婦與夫同故喪服云大夫弔於命婦錫衰命婦弔於大夫錫衰是婦與夫同其首服即鄭

註喪服云凡婦人弔服吉筭無首素總是也

○大札大荒大裁素服

註曰大札疫病也大荒饑饉也大裁水火為害君臣素服縞冠若晉伯宗哭梁山之崩

公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大功小功士之服自皮弁而下如

大夫之服其凶服亦如之其齊服有玄端素端

註曰自公之衮冕至卿大夫之玄冕皆其朝聘天子
及助祭之服諸侯非二王後其餘皆玄冕而祭於己
雜記曰大夫冕而祭於公弁而祭於己士弁而祭於
公冠而祭於己大夫爵弁自祭家廟惟孤爾其餘皆
玄冠與士同玄冠自祭其廟者其服朝服玄端諸侯
之自相朝聘皆皮弁服此天子日視朝之服喪服天
子諸侯齊斬而已卿大夫加以大功小功士亦如之

又加總焉士齊有素端者亦為札荒有所禱請變素
服言素端者明異制鄭司農云衣有襦裳者為端玄
謂端者取其正也士之衣袂皆二尺二寸而屬幅是
廣袂等也其袪尺二寸大夫以上侈之侈之者蓋半
而益一焉半而益一則其袂三尺三寸袪尺八寸

疏曰此文自袞冕以下差次如之上得兼乎下下不
得僭上也舊說天子九章據大章而言其章別小章
章依命數則皆十二為節上公亦九章與天子同無

升龍有降龍其小章章別皆九而已自餘驚冕毳冕
以下皆然必知有小章者若無小章絺冕三章則孤
有四命六命卿大夫玄冕一章卿大夫中則有三命
二命一命天子之卿六命大夫四命明中有小章乃
可得依命數 鄭剛中曰子男毳而下如侯伯則上
不服驚可知侯伯自驚而下如公則上不服衮可知公
自衮而下如王則上不服日月星辰可知經文謂自
衮冕而下如王之服則衮冕而上之章非日月星辰

而何 齊側皆反禱音儒屬音燭

凡大祭祀大賓客共其衣服而奉之

註曰奉猶送也送之於王所 疏曰大祭祀則中兼

有次小祭祀以其皆是王親祭故舉大而言賓客言
大者據諸侯來朝也王者不敢遺小國之臣則其臣
來聘亦有接待之灋亦畧舉大而言

大喪共其復衣服歛衣服奠衣服廡衣服皆掌其陳序
註曰奠衣服今坐上魂衣也鄭司農云廡陳也玄謂

廠衣服所藏於櫛中 疏曰大喪中兼小喪也

○典祀掌外祀之兆守皆有域掌其禁令

外祀謂所祀於四郊者即小宗伯所云兆五帝至山川邱陵已下皆是典祀掌之也兆域據壇外為溝渠為表塋域者也

若以時祭祀則帥其屬而脩除徵役于司隸而役之
註曰屬其屬胥徒也脩除芟掃之徵召也役之作使之
之

及祭帥其屬而守其厲禁而蹕之

註曰鄭司農云遮列禁人不得令入

○守祧掌守先王先公之廟祧其遺衣服藏焉

註曰廟謂太祖之廟及三昭三穆遷主所藏曰祧先公之遷主藏于后稷之廟先王之遷主藏于文武之廟遺衣服大斂之餘也此王者之宮而有先公謂大王以前為諸侯

○若將祭祀則各以其服授尸

註曰尸當服卒者之上服以象生時 程子曰古人祭祀用尸極有意人之魂氣既散必求其類而依之人與人既為類骨肉又為一家之類已與尸各既心齊潔至誠相通以此求神宜其享之後世直以尊卑之勢遂不肯行

其廟則有司脩除之其祧則守祧黝堊之

註曰廟祭此廟也祧祭遷主有司宗伯也脩除黝堊互言之有司恒主脩除守祧恒主黝堊鄭司農云黝

讀為幽幽黑也堊白也爾雅曰地謂之黝牆謂之堊
○既祭則藏其隋與其服

註曰隋尸所祭肺脊黍稷之屬藏之以依神 堊烏
路反隋許恚反

○世婦掌女宮之宿戒及祭祀比其具

註曰女宮刑女給宮中事者宿戒當給事豫告之齊
戒也比次也具所濯漑及粢盛之饗鄭司農比讀為
庀庀具也 鄭剛中曰天官世婦祭之日涖陳女宮

之具泣陳在彼而按比之在此也

○詔王后之禮事

註曰薦徹之節

○帥六宮之人共齋盛

註曰帥世婦女御 鄭剛中曰天官世婦言帥女宮
濯撫為齋盛所帥者刑女耳為之於未共之前此所
帥者六宮之人共之於正祭之日

○相外內宗之禮事

註曰同姓異姓之女有爵佐后者 疏曰禮事者外
宗之佐后薦徹豆籩內宗之佐傳豆籩是也 比音

庇相息亮反

大賓客之饗食亦如之

註曰此帥詔相其事同

大喪比外內命婦之朝莫哭不敬者而苛罰之

註曰苛譴也 莫音暮下同

凡王后有擇事於婦人則詔相

拜拜謝之也喪大記曰夫人亦拜寄公夫人於堂上知天子之喪世子亦拜二王後於堂下后亦拜二王後夫人於堂上也夫人有赴王喪者或家在畿內來歸寧值王喪則弔赴也 據古拜字凡內事有達於外官者世婦掌之

註曰主通之使相共授 黃文叔曰掌之蓋得糾正之也

○內宗掌宗廟之祭祀薦加豆籩

註曰加爵之豆籩 疏曰天子禮以尸既食后亞獻
尸為加爵此時薦之即醢人籩人加豆加籩之實是
也

○及以樂徹則佐傳豆籩

註曰佐傳佐外宗

賓客之饗食亦如之王后有事則從

王光遠曰有事則從者則吉凶之事皆在焉 從才

用反

大喪序哭者

註曰次序內外宗及命婦哭王

○哭諸侯亦如之凡卿大夫之喪掌其弔臨

註曰王后弔臨諸侯而已是以言掌卿大夫云 疏

曰此諸侯來朝薨於王國王為之總衰者也若檀弓

云以爵弁經紼衣哭諸侯彼謂薨於本國王遙哭之

則婦人不哭之婦人無外事故也天官世婦云掌弔

臨于卿大夫之喪者彼為王此內宗掌弔臨之事乃

為后掌之 紂緇同

○外宗掌宗廟之祭祀佐王后薦玉豆眡豆籩及以樂徹亦如之

疏曰薦玉豆者凡王之豆籩皆玉飾之不云籩者文畧眡豆籩者謂在堂東未設之時眡其實也

○王后以樂羞盥則贊

疏曰后進黍稷之時依樂以進則佐之案九嬪職凡祭祀贊玉盥贊后薦徹豆籩則薦徹俱言玉盥王敦

盛黍稷言贊不言徹則后薦而不徹也其徹諸官為之若然籩豆與盥此官已贊九嬪又贊者以器多故諸官共贊

○凡王后之獻亦如之

註曰獻獻酒於尸

○王后不與則贊宗伯

註曰后有故不與祭宗伯攝其事 與音預敦音對

小祭祀掌事賓客之事亦如之

疏曰小祭祀謂在宮中后無外事故也賓客饗食亦掌事如小祭祀

大喪則叙外內朝莫哭者哭諸侯亦如之

註曰內內外宗及外命婦 疏曰若內命婦則九嬪叙之

○冢人掌公墓之地辨其兆域而為之圖先王之葬居中以昭穆為左右

註曰公君也圖謂畫其地形及邱壟所處而藏之先

王造塋者昭居左穆居右夾處東西 疏曰子孫據

昭穆夾處左右若兄死弟及俱為君則以兄弟為昭穆以其弟已為臣臣子一例則如父子故別昭穆也
○凡諸侯居左右以前卿大夫士居後各以其族

註曰子孫各就其所出王以尊卑處其前後而亦併昭穆 疏曰此因上而言以其王之子孫皆適為天子庶為諸侯卿大夫士若出封畿外者彼因國葬而為造塋之主矣此則言先王之子孫為畿內諸侯王

朝之卿大夫士死者則居先王前後之左右也各以其族者謂次第假令同昭穆則兄近王墓弟遠王墓為次第諸侯言左右卿大夫士下云各以其族互相通也 坡謂以前在卿大夫士之墓前居後在諸侯之墓後

○凡死於兵者不入兆域

註曰戰陳無勇投諸塋外以罰之

○凡有功者居前

註曰居王墓之前處昭穆之中央 疏曰居前則不問諸侯與卿大夫士但是有功則皆得居前以表顯之也此則死寇曰兵者兼餘功若司勲六功之等皆是也

○以爵等為丘封之度與其樹數

註曰別尊卑也王公曰邱諸臣曰封漢律曰列侯墳高四丈闕內侯以下至庶人各有差 疏曰此文自王以下皆有而云爵等者則天子亦爵號也

大喪既有日請度甫窆遂為之尸

註曰甫始也請量度所始窆之處地鄭司農云既有日既有葬日也始窆時祭以告后土冢人為之尸

疏曰天子七月而葬葬用下旬請請於冢宰

○及窆以度為丘隧共喪之窆罷

註曰隧羨道也度邱與羨道廣袤所至窆罷下棺豐碑之屬喪大記曰凡封用綍去碑負引君封以衡大
夫以咸

○及葬言鸞車象人

鸞車中車所飾遣車也亦設鸞旗象人備也言猶語也語中車之官將明器鸞車及象人使行向壙

○及窆執斧以泣

疏曰案鄉師執斧以泣匠師則此亦臨匠師葬事大故二官共臨也

遂入藏凶器

註曰凶器明器

○正墓位踴墓域守墓禁

註曰位謂邱封所居前後也禁所為塋限

○凡祭墓為尸

疏曰上文祭墓謂始穿地時此文據成墓為尸 王

光遠曰凡祭墓為尸非特甫窆為之尸 張子曰墓

祭非古也體魄則降知氣在上故立之主以祀之以
致其精神之極而謹歲其體魄以竭其深長之思此
古人明於鬼神之情狀而篤於孝愛之誠實者也然

政之周禮則有冢人之官凡祭於墓為尸是則成周之盛亦有祭於墓者雖非制禮之本經而出於人情之所不忍而於義理不至於甚害則先王亦從而許之其必立之尸者乃所以致其精神而示享之者非體魄之謂其為義益精矣 度待洛反窳充為反隧音遂窳彼驗反

凡諸侯及諸臣葬於墓者授之兆為之蹕均其禁

疏曰上文惟見王及子孫之墓地不見同姓異姓諸

侯之墓地故此經總見之若然此墓地舊有兆域今
新死者隨即授之耳

○墓大夫掌凡邦墓之地域為之圖

註曰凡邦中之墓地萬民所葬地

○令國民族葬而掌其禁令

註曰族葬各從其親 疏曰經云族葬則據五服之
內親者共為一所而葬異族即別塋左傳云同族於
禰廟故知族是服內

○正其位掌其度數

註曰位謂昭穆也度數爵等之大小 疏曰鄭見有爵者謂本為庶人設墓其有子孫為卿大夫士其葬不離父祖

○使皆有私地域

註曰古者萬民墓地同處分其地使各有區域得以族葬使相容

凡爭墓地者聽其獄訟

註曰爭墓地相侵區域

帥其屬而巡墓厲居其中之室以守之

註曰厲塋限遮列處鄭司農云居其中之室有官寺
在墓中 劉執中曰聖人父母斯民生則富其衣食
而教以仁義死則為之地域而守其邱樹則子孫者
其有不忠於君而不服其教者乎

○職喪掌諸侯之喪及卿大夫士凡有爵者之喪以國
之喪禮涖其禁令序其事

註曰國之喪禮喪服士喪既夕士虞今存者其餘則
亡事謂小歛大歛葬也

○凡國有司以王命有事焉則詔贊主人

註曰有事謂含襚贈賵之屬詔贊者以告主人佐其
受之國有司有司從王國以王命往 賵芳鳳反

凡其喪祭詔其號治其禮

註曰告以牲號齎號之屬當以祝之 疏曰喪祭餘
文皆為虞此言凡者以其喪中自相對則虞為喪祭

卒哭為吉祭若對二十八月為吉祭則祥禫以前皆
是喪祭故言凡以該之

凡公有司之所共職喪令之趣其事

註曰令令其當供物者給事之期也有司或言公或
言國言國者由其君所來居其官曰公謂王遣使奉
命有贈之物各從其官出職喪當催督也

周禮述註卷十三